

四庫全書

集部

欽定四庫全書

御製詩四集卷八

古今體一百四首

壬辰八

雨

七月初  
四日

秋月逾三日均晴協農占昨宵塞雨霏侵曉猶魚纖纖  
空幻煙羅度林疑朝嵐早植及晚種一例優澤霑既霑  
晴斯佳望歲心難恬西北眺遠宇雲斂青山尖

宛轉詞

宛宛轉轉石澗流三三兩兩野塘鷗颯颯灑灑惟新秋  
遙遙切切軍務籌

題趙孟頫芙蓉睡鴨圖

秋浦芙蓉照水晴細莎孤鴨睡初成傳神無意飛鳴處  
精到真堪繼阿兄

偶倣陳琳溪鳬圖因疊舊題陳畫韻

不喜萍茵喜沙阪翠衿丹臆素纓昂秋風獨立慮誰妬  
那學鷓鴣假羽翔

鑷白

鬚髮星星不勝鑷髭鬚點點尚堪鑷兩歧之物應暗笑

何厚於鬚薄於髮好少惡老人情然亦有不同為變遷

昨近慶典賜舉業頗有履歷增其年

庚寅辛卯兩鄉闈凡七十以上者均

特賜舉人辛卯會試舉子之老耄觀光者視其年齒好  
給學正檢討司業職銜有差因有臨場增改年歲者

惡惡好非顛倒世間古道今應少對隆王昌非所知

齊書載高帝令

左右拔白髮隆王昌時五歲帝曰兒言我是誰答曰太翁也  
帝曰豈有為人曾祖拔白髮即擢去鑷云云余雖早見曾孫

幸當歡奉

慈闈準以恒言不

但知坊記不言老

稱老之義則鑷白又理所宜然也

雨

七月初五日

昨夜復細雨平明弗放晴今歲未作霖候况值時行然  
總非滂沱踈聽霏微聲既無礙行旅更益利農耕即以  
此應去聲候幸何如之情過午秋雲徂喜看秋陽晶

敬晴齋

石棧過雨弗作泥筍輿款款為攀躋四鄰雲斂樹姿現  
一徑煙開花氣迷山莊駐久茲始到一到通然得吾好  
誰云不得平則鳴試聽蟬吟與鵲噪

清綺書屋

几有琴樽架有書  
獨無多暇此幽居  
輒然笑謂林間鹿  
替我尋常守碧疏

繪韻樓

一天霽景朗新秋  
山若清揚林若流  
繪事由來稱氣韻  
韻生繪特在斯樓

肩輿過谷復至含青齋

兩齋

敬晴  
含青

隔一谷東西近相望  
謂近行乃遥陟降  
懸巖

嶂今朝趁爽涼徐步肩輿向過谷入窈窕造堂得朗曠面  
北峙嶢峩屏風開綠障含青信含青萬林猶張王

二皆去聲

亟來豈無意秋光漸已傍

七夕詠事

巧固不須乞筵斯隨處呈有無於此事今古致多評天  
上猶餘恨人間那免情絳河瞻益近疑聽步橋聲

兩頭纖纖

兩頭纖纖新秋月半踈半密山頭樾奇奇幻人情忽

劬劬矻矻肩未歇

山行

山行最是曉行宜  
谷口朝嵐逐步披  
露草香無煙火氣  
風花秀有瑛瑤姿  
東岡日隔騰騰上  
西嶺陰消漸漸垂  
詎祇人心具平旦  
由來造物本如斯

野田

野田高下總芄青  
樂國今朝昔塞庭  
灘外即看壑林隴  
舍傍還復藝蔬町  
幸茲晴雨逢時若  
庶冀倉箱賚我寧



何處不因民繫念民天惟食寸心銘

馬遠秋江漁隱

月落江天罷釣魚倚榔坐睡夢華胥蘆叢何必扁舟繫  
波漾風吹任所如

立秋日作

七月初九日

已識山中早晚涼今朝况復立秋當如何午熱為孤  
注疑是金官讓末光桐葉庭邊想影落

山莊諸樹皆有惟無桐竹

草

蟲砌下覺聲揚農占晴雨紛如訟歷驗原來亦鮮償

或稱

立秋日雨則秋月雨少謂之秋吊立秋日不雨則秋雨  
反多謂之秋僂或稱立秋前三日雨謂之畸秋主歲豐  
又謂立秋日雨不止必致秋霖又有謂立  
秋日雨而晴為上歲然歷試之率皆不驗

### 秋湖泛月

常年望後遲升魄今歲望前將滿  
佳載月蘭舟詎耽玩  
未宜孤負好秋光

影搖金塔漾漣淪可望誰能拾級頻  
千百年前塞湖裏  
朗吟清賞屬何人

盪撓芝逕過雲隄

芝逕雲隄乃山莊三十六景中之一

輪印東湖復印西

一月千江堪例此半提原即是全提

不見荷花見荷葉箇中別解有誰徵洛神  
驀遇月天子迴避霞車自合應

山行遇雨

昨午忽炎蒸識為釀雨意朝來灑細霏  
半時旋開霽涼風拂樹梢趁爽聊遊出  
西南雲復吐片刻挾雨至情知弗致久  
喬林下堪避巖風吹雨過雲散青天翠  
秋田待熟候宜暘實稱去聲意稱意則易驕  
即慰以為惴

趙孟頫畫馬

一白一驪肉駿弗鞍雙立屹秋風弋弓珥箭人閒語

圖中景  
若此

無所之施斫陣雄

秋光

春光麗艷冶夏光炎赫煌冬光實寢寢最好惟秋光青  
天淨寥沉白日縣清揚弗寒却弗熱非短亦非長照池  
波已澄拂林葉未蒼孟子稱皜皜不可尚誰方而功特  
著者萬寶暄登穰秋光無比佳況此逢山莊

烏沙爾器

前日全綠葉今朝紅果垂木難羞錯落火齊頓然疑夏  
後庭松側塞中天竺奇秋光剝滿眼不肯讓惟時

閱稼

清曉策輕騎山田出閱稼深居豈弗佳宴安風所吒都  
來無半月吐穗堪欣訝蔚雲間去聲綠黃吹風齊擺掙千

頃連山川一律茂高下不惟塞外然京畿米減價時賜  
定暄晝時雨每零夜由近以及遠各省報非詐率稱可

望豐常平不須借何修過是哉額手

天恩謝築塲期尚遥戒滿心猶怕

雨

七月十四日

今年總未逢霖雨是日洎洎勢覺長始遇情知不為害  
求全又致意徬徨

聖母登舍利塔恭紀

永佑寺中舍利塔

聖慈每到必躬登

八旬有一如常健

億萬斯年信可徵

天與壽因

德與壽歡無勝更愛無勝九層罕堵夫何幸視

履恒瞻

福履增

中元夕放河鐙卽事有作

終日盼天晴亦無踈雨行詎寧塵節事惟切較農情既

美更求善少欣多致怍秋雲韜月魄蓮炬益光明

喜晴

昨夜雖無雨今晨似作霖彌空雲浩浩藏嶺霧沈沈澤  
渥斯憂過農登實未諶午晴豁碧宇慰矣倍生欽

題有真意軒

經年曾未到今日偶偷閒却對山林處原如昨近間衣  
涼天籟落屋潤嶺雲還那是饒真意視民每憶艱

對畫亭



暮靄朝嵐無定態秋來夏去有恆期欲羸般礪儻儻者  
那便丹青能爾為

空翠書樓

書樓向空翠空翠額書樓最契靜虛趣乃兼名實收曦  
閒常欲閃風處又如流底事微紅點尋思節報秋

濬溪

塞溪流無定過雨即泥淤小淤惟致淺大淤遂成塗淺  
或可姑息塗必資濬疏成塗則有因率以歲久需茲不

宜復緩浚深一律如力役本無征出值僱人夫合衆事  
鋤鍤剗削沙石鋪亦藉濟貧者得錢都歡娛工作十餘  
日原為半月湖半月湖舊有詩靜影受風月樂意同鳶魚雖然  
永逸艱數年當一圖

靜寄山房

向浦碧波臨循隄防逕尋靜專玩周易寄勝仰

堯襟釋躁蘊醇粹含虛悅湛深田盤此數典肯構永銘心

瑩心堂

水心構書堂即以名瑩心堂瑩斯誠易心瑩義實深  
苟非體危微率為去聲私欲侵一指蔽當前泰山不見岑  
動靜貴交養內外胥用欽

奎章每敬繹

昔訓恒垂今

### 冷香亭

亭枕蓮塘玩水芳十分花帶五分涼因之悟得遲禁平聲  
久兩字名真副冷香

夜雨

七月廿一日

晴光不定隱斜曛  
入夜雨聲枕上聞  
原は無眠問軍報  
那堪增厭聽紛紛

喜晴

適日雨來略覺稠  
幸皆夜落曉晴投  
固知弗礙何妨爾  
祇為求全輒切愁  
西北風吹碧空淨  
東南雲斂翠涼浮  
苟其患失無不至  
自審斯言能免不

八月朔日作

朔旦入中秋曉晴爽氣浮三農盼築圃七萃秣行騶出  
獵將發輒來朝聚脫甌昨宵霏細雨餘熱洗全收

新月

但是中秋月一鉤已足佳纖纖掛星漢款款隔松釵欲  
朗光猶嫩未團輪自偕晚涼倚樓角耐可入人懷

命再緩徵直隸去歲被災州縣詩以紀事

麥稔秋成更卜佳

今歲畿輔自春夏以來雨暘時若麥  
即豐收秋成復可冀大有實為數年

來所  
僅見緩徵正賦例輸皆獨憐稍覺復元氣那肯頻催屋惻

懷往歲本輕聽並納

去年秋雨過多兗平等二十四州縣被災較重節次如恩蠲賑並將

毗連災地應徵之賦亦緩至秋後輸將念此各州縣元氣初復若新舊同時並納未免拮据其帶徵之戊子己丑庚寅三年尾數有限無妨按例兼收至三十六年緩徵銀糧為數稍多特降旨緩至來年麥熟後再徵俾民力益臻寬裕

昨年特重予推排毗連處所概延及期益閭閻

裕象諧

即目

天寶由來稱物華山莊即目總清嘉異逢八月同六月  
紅看荷花黃桂花荻岸漲消全露石楓林嵐吐半拖霞

曉涼午熱權衡妙火迫西成祝滿車

恭奉

皇太后遊獅子園即景成什

玉露金風爽仲秋獅園龍沼奉

慈遊倪家圖畫誠小矣唐郊亭臺可匹不到處

懿歡承繞膝此間孺慕憶從頭六旬餘子

八旬母往事奚稱頡蜀侯

驟雨

八月初十日

快晴逾十日驟雨落千山  
睫眼迷銀竹迎人豎玉灣  
勢雄林木偃聲壯澗波潺  
片刻雲收脚滌然靜且閒

晚晴

雲斂東南去風從西北生  
盡滿午時熱都喜仲秋晴  
蕎菜蔚增潤林泉颯益清  
玉蟾欣巧讓燭字倍晶明

李延之蓮塘秋色圖

落盡荷花破荷葉紅消蓼穗尚垂垂  
秋塘郭索相遊戲却忘西郊熟稻時



中秋節即景

挑節纔過瓜節連

璇闌福壽慶長綿共欣穹宇中秋月常近塞垣尺五天  
蟾影巧看雲影避桂華初放露華鮮韻川七字吟即景  
強恕笑予或未然

熱河啓蹕幸木蘭行圍之作

節過啓程依例常平明清蹕發仙莊或輿或馬遵

慈訓多黍多稌閱歲穰野郭山村經迤邐舊藩新部扈

相將詰戎義以行圍寓

家法聰聰百世長

波羅河屯即景

舊城今不見

蒙古語舊謂波羅城謂河屯

新戶日加增難考金元蹟

欣看稼穡登黃雲一谷滿素節仲秋憑筆架蠹東壁

行宮

果有筆  
崇峯

問誰倚筆能

入崖口

崖口今朝入平原試小園天高鷹欲疾秋仲鹿初肥彤

大猶能發金鞭弗屢揮

馳射之事雖以示衆蒙古然近承慈訓不似向年策快馬

耳後生風矣

擇佳盛柳宮飛騎進

恐聞

雨

八月廿一日

經過必逢雨真神海喇堪

蒙古語謂山有靈應者曰海喇堪

稱名誰

則敢示蹟此恒諳彌谷煙低重迴峯日上含須臾斂雲

柳瀑水落層巖

即事

崇山真博大四日歷周過夜雨朝晴每

是數日或晚或夜必有陣雨而

晝日晴朗  
弟礪行園

奇靈顯應多無妨驅騎獵有暇把豪哦獨盼

郵章劇軍情近若何

### 射生手

國語及蒙古語皆謂之默爾根選善馳能命中者  
為之圍中射中獸則命若輩隨蹤獲取

射生手射生手諸部人中無不有掄其精者侍兩傍御  
弧中去聲獸隨獲取射生手數近百挾弓抨矢舒雙翼百

人中必有一中

去聲  
後同

中則都稱射生得千二百騎圍如

輪驅來悉率宴一人百射那能必百中弗中羣慚中羣

頌詰戎示度以已先奚啻十目之所觀一節亦識為君  
難

九月朔日作

是日  
雨

圍數過多半

今歲定圍場數為  
十五已獵十圍矣

山容入九秋減期圖返

速

近歲每減圍期圖速  
返山莊問安

臨樂戒淹留萬嶂低雲重千林

落雨稠羶廬聽颯沓敲句興偏悠

出崖口

溯洄九曲

即伊邈河也  
譯蒙古語

溯游返迴顧層峯雲外尖散遣

一千二百騎由來從獸戒無厭

今歲蘭中暖異常林屋葉落綠魚黃兩峯排闥天垂碧  
似破竒慳待句償

獵場出即有煙村比櫛崇墉積圃垣額慶今秋誠倍獲  
當何承此自思存

木蘭迴蹕至避暑山莊恭請

皇太后安喜而成什

復不過時路不賒歸來

食履悉康嘉

萬年祝願冀如願四海為家茲更家秋暖葉林紅間綠

雨輕字塞霧成霞

是日重陽微雨

黃州詩稱

去聲

重陽節耐可庭

前潤菊花

題元人老圃秋容軸子

葉凋立枯竹倚竹開寒菊黃高紫者低其葉均蔚綠文

石瘦相傍莎草衛石足瓦雀共啐啄草子當去聲粒粟老  
圃景若斯秋容颯滿目作者弗留名蓋謂留名俗

日影

去際纔階礎歸來上牖櫺了知遷有漸誰曰視無形閒  
倚明而暖微吟憩以寧光陰迅如此陶侃論堪聽

柯九思晚香高節

綠筠挺出蘓卿節黃菊噴來陶令香何必其間論世代  
忘年交合石渠藏



出麗正門恭送

皇太后啓鑾之作

今巡步輦奉

慈歡程近先行取日寬

今年

皇太后幸熱河因奉  
御肩輿緩行  
慈顏甚

喜並承  
行宮均

懿旨於九月十二日先行按途間所有小  
駐總計行十一日朕仍十六日啓行於廿

二日同至御園以中預小  
行宮不能容多人駐宿也

仍擬御園共朝到欽承

懿訓永年刊前旌嶺路瞻徐發後輶仙莊駐暫盤去送  
來迎意何極南山為祝鎮斯看

遣興

遣興閒翻史謝安曾有言向年渾不覺近歲每斯存絲  
竹那陶寫山川自吐吞却看風過樹葉落亦歸根

熱河迴蹕至喀喇河屯作

出以先驅蹕路清歸當後扈奉

前行明知十日趨承近

皇太后於十二日留鑾接  
途中小行宮駐憩計廿一

日可至石槽茲朕於十六日自山莊迴蹕按常程而行  
亦同日駐石槽即可詣行殿詢安詰晨恭奉

迴鑾違侍不過旬日而  
依戀之誠彌切於衷不盡

萬齡祈祝誠迴視山莊雲嶺外  
早臨灤野錦林橫錯紅  
綜綠綠秋暖露重猶滋麥始萌

入古北口

仲夏出關秋入關  
倏如信宿往和還  
乍逢夾路草猶綠  
故合依峯樹未殷  
敗壘徒教留埤堦  
皆仄聲崇墉欣看接  
鄺闌迤南見麥思  
早雪因識人情知足艱

恭奉

皇太后迴鑾至圓明園作

麥秋登稔繼秋收不啻王畿遍九州

今年直隸兩收皆至十分各省所獲

自八九分以至十分無在七分以下者惟甘肅皋蘭等十八州縣夏禾微旱成偏災然以家寓較之蓋十分之

一大有幸蒙誠後樂同人斯豫勵先憂民間飽暖供

慈覽園裏清溫奉

懿遊未免一籌猶繫念每當中夜問軍郵

齋居夜雨

九月廿九日

頤園奉

壽寧享

廟返宮庭所喜深秋暖恰聞夜雨零田功築圃畢簷溜  
隔窓聽此際偏宜者沃滋宿麥青

孟冬時享

太廟

祭衣晉裼明夜雨喜朝晴

五代有餘烈一心無盡情和平宣雅樂博碩薦嘉牲奏  
假差欣者今年幸稔成

生冬二十首仍用元微之生春詩韻

有序

韶音常盡迭吟已遍三時羽管方調嗣響宜周四序翻  
元和之舊體還如舉一例餘效玉局之疊賡時復因難  
見巧蓋冬者成也終循始以有功惟生不息焉貞  
起元而相嬪於是德乃應信良為就盈驗廣莫於  
乾維辨招搖於亥次蹕旋行彌杪秋溯徂暑而羸  
令紀司權肇孟計決辰以逮十月十三日始立冬納稼既慰  
茲豐歲給糜猶矜彼窮民冠正宜溫稽  
典而受

釐吉旦器能代漏授時則頒朔來年

愛日欣長曾聞小春之旨堅冰凜始每殷先霰之懷聽  
掃葉於階前丹林餘綴記餐英於籬下玉版徐叅  
葛嶺晞陽照分入蟄

軒丘薦節膏過嘗新溫室批三捷之書緋几遣萬幾之  
暇庶乎寒暄和潔佳興同人譬諸生長收藏化工  
成歲元冥應喜匪獨後予白傳儻知奚殊和汝體  
斯備矣仁實統之

何處生冬早冬生頌朔中萬方大一統

三代久同風

自隆

壬辰計

世祖章

皇帝

順治

甲申

至今

年乾

隆壬辰計一百二十九年其奉正朔者則

自朝鮮諸屬國及藩部四十九旗外並及準部回城遠至愛烏罕諸部悉為考定節氣詳列書中

東鯨

西鷄合考文制度融人人閱花甲

時憲紀年向惟花甲一周自辛卯以來命

司天加編至一百二十歲每遇孟冬月吉頌朔凡躋耄耄期頤者皆得披閱新書知年庚

歡動老年叢

何處生冬早冬生衰日中溫暾烜朔氣煦嫗卻涼風

赤道行前遠黃棉披後融

萬年承愛景恒願照



萱叢

何處生冬早冬生春小中六陽雖避卦一氣不潛風消

息豈常息嫩融真箇融程朱引未發著說語艾叢

十月小春

人知其說而未解其義嘗因朱子詩經歲亦陽止注與程子嫌于無陽故謂陽月之意相同而旨未暢遂舉春貫四時之義知小春即陽月為說以闡之

何處生冬早冬生暖帽中獼烏輕試燠貂紫重禁風

暖帽

初以海龍為之即薰獼皮國語謂獼為海龍近冬至則以紫貂為冠取其豐茸禦寒

抹額顏增潤

稱心氣已融殷昉與周冕底藉禮圖叢

何處生冬早冬生紅葉中離離偏暎日閃閃未飄風那  
礙施朱赤忽疑照炬融祇應笑松柏能幾鎮留叢

何處生冬早冬生蟲俯中下蔽知閉凍曲伏解防風多

蓄蟄糧富牢封坯戶融微嫌彼穴氏攻逼太叢叢

獸蟄入蟄

有仍食物者有全不食物者周禮秋官穴氏掌攻蟄獸  
各以其物火之注將攻之必先燒其所食之物於穴外  
以誘出乃可得之云云夫獸順時入蟄燒其食以誘殺  
之是乘殆不仁與王政相戾周禮為姬公致太平之書  
不宜及此毋怪  
滋昔人之疑也

何處生冬早冬生

節薦中

國朝舊制每遇十月朔日遣官祭各陵申追憶

感同霜與露悲憶

木和風億葉丕基護

二陵神會融盛京溯一脈遙隔萬山叢

何處生冬早冬生粥廠中

五城自十月朔日始每城設廠二官給薪米日炊粥以贍

貧民遠近咸集饑寒者賴以飽暖至來歲春融始撤雖豐年亦然或遇歉歲穀貴則酌展其期

五城施

繼日百里向如風詎止充腸果還因溫體融文王緬發

政先此四民叢

何處生冬早冬生臺望中

杭州西湖葛嶺旁有初陽臺在寶雲山頂戲塘志謂每歲

十月朔旦見日月並升其下吸精寶雲頂觀出葛仙風  
有丹井山房傳是葛洪遺跡

日月並升際朔晨應候融山房及丹井今尚艷詞叢  
何處生冬早冬生雉蜃中時來因入水化去不緣風噓  
氣雲樓幻吹煙海市融山川如用器職在營人叢

何處生冬早冬生納稼中農人盼十月儒士詠幽風萬  
寶倉箱積千村歡喜融于茅索綯繼乘屋正攢叢

何處生冬早冬生始凍中孤聽當孟月魚陟待初風曉  
冷明明結午暄略略融冰嬉將試藝盼切護軍叢

何處生冬早冬生盆菊中小籤

盆菊俗謂菊花籤

常傲冷別體

不愁風色共梅樁麗

花害早梅有與盆中晚菊並榮者庚辰冬曾與馮生并題以句

香

和蘭篆融却嗤彭澤老籬下已枯叢

何處生冬早冬生墮擲中依依雖耐日落落已隨風辭

榦心猶戀歸根意自融六韋近纖巧

壬戌秋曾詠落葉六韋命內廷諸臣

和韻刻石成冊

不復闌吟叢

何處生冬早冬生

神祀中

每歲孟冬朔於坤寧宮立竿祀皇子皇孫曾並簡王公大臣等至內列茵侍坐

神禮成宣

分食祭肉以錫鑿廣惠循  
祖宗以來成例也

立竿祈福祉執承述

先風分胙武文會聯情內外融曾孫看繞膝玉樹漫言

叢

何處生冬早冬生望雪中纔看雲出谷偏畏宇吹風寧

為

去聲

催梅發惟圖護麥融綢繆每豫計愁不離眉叢

去聲

何處生冬早冬生洋表中

時辰表來自西洋每日上弦一次晝夜周行隨大小針所

指以定時刻分數寒暑無異

來知經大海運不畏寒風爨火猶嫌拙

周禮夏官挈壺氏及冬則以火爨鬲水而沸之而沃之注冬水凍漏不下故以火炊水沸以沃之謂沃漏也今

欽定四庫全書

御製詩四集

三

洋表雖冬寒不凍無藉禦  
沃之勞其法為更精耳

沸湯空自融人工奪天巧沃

### 漏愧神叢

何處生冬早冬生冬筍中鞭行偏應節舟運每藏風一

寸迎眸嫩三餐熨齒融獨憐鋤鏹際不放長

上聲喬叢

何處生冬早冬生暖閣中漏長宜靜夜簾下避嚴風桂

檠蘭鐙燦猊鑪炭融遲眠批奏牘軍務遞蠶叢

何處生冬早冬生綈几中滴書寧藉酒

出漢書

摘句亦吟

風廿首三番疊四時一氣融殊勝元刺史株守小梅叢

夜雪

十月十八日

夜醒問軍報却稱密雲鋪三更遂飄落五鼓罷紛敷晨

接二寸奏

府尹吉慶熊奏自十八亥時至十九丑時得雪二寸旋積旋融土脈滋潤

節先十

日符

本月二十八日交小雪節應候恰先一句

晴雖弗致惜致惜那能無

詣暢春園恭問

皇太后安遂駐御園即事成什

暢春養

志冀娛



親來往問

安平例循

每歲冬朕自圖明園進宮  
清勝尚留園居至節近

聖母以風景  
萬壽進京朕問

數日赴暢春園問

定省凡來往三四次遂恭奉

安率駐御園信宿以便再修  
慈駕還宮

遂

駐御園期信宿適當子月景清真林無餘葉山有骨冰  
出平湖水入神傍晚西南雲氣重翹思其雪麥根皴

雪

十一月  
望日

昨晚即飛霽通宵密灑并無眠緣問夜夙起未看晴素  
砌深填委銀空益織縈有收冬雪渥叨

惠凜持盈

御園雪景

祥花優渥麥根萌餘事園林一賞情畫幀畫神不數上

聲

范

石渠寶笈藏有范寬羣峯雪霽冊幅

剪刀剪水那須并生來草木為銀

界望裏樓臺是玉京別有書齋勝常處收將仙液煮三清

題董邦達晴湖香雪圖

湖鏡拖一片山屏展四圍淺清蘸疎影匝匝散幽隄谷

口石橋接林心茅屋稀橫陳香雪處聽較范家非

寒山范氏

園有聽雪閣蓋謂  
瀑也昔曾留詠

恭奉

皇太后還宮攬郊外積素欣然成什

慶辰將屆舉鴻儀恭奉還宮

鳳輦移喜色一天降前日祥花三寸積平陂寒村凍浦絕  
勝彼鋪玉堆銀真箇斯郊外原常來往慣奇逢此合博  
慈怡

皇太后聖壽節慈寧宮行禮是日雪即事成什

值齋慶典例移前

今年冬至在月之廿七日  
節前一日即應致齋因預於廿二日

聖壽

行  
慶祝禮  
節步新叨

恩諭宣

向遇朝賀行禮例於永康左門降輿步入今恭奉  
旨以朕年逾六旬雖精力強健亦宜隨時撙節

命嗣後

元旦於

慈寧門東階下降輿

萬壽節

敬率羣公趨

於西階下降輿並就門旁預設便座以資小憩

鳳闕恰逢六出降瑤田  
瓦溝積素連祥色  
樹杪懸英引

瑞烟駢疊

天庥何以荷愛民  
勤政益乾乾

瀛臺雪景

密飄細灑夜連曉咨

起居餘到趯臺望遠瓊樓彌漠漠積深水浦浩皚皚座

宣卿貳籌幾務陣閒鴛鴦掄軼材

每冬太液冰堅令八旗與內府三旗簡習

冰嬉之技分朋擲采毬互程趨捷並設旌門懸的演射用嫺步伐止齊之節皆輪番閱視按等行賞以為常例

行賞勵勤資卒歲豈徒玩景此頻來

齋居對雪

冬至月廿五日

昨日同雲徹夜濃侵晨密雪灑銅龍乍疑春絮飛宮柳

疊見冬花冒禁松霏喜

萬年介釐祝

廿五日為進祝而恰值祥雲送喜慶洽

慈壽正節雖以齋居不復玳閣尤

深願

致齋一意篤孚顯稠繁

天惠何修沐戒滿撫謙滋勵恭

### 詣齋宮作

冬雪從無今歲優雲容遠宇尚同稠石街玉輦行微滑

禮輜原將舊例由

舊例詣齋宮皆御禮輜乾隆七年始定乘輦之制今年石街積雪校尉步

行稍艱因從鑒儀衛請暫因舊例乘用禮輜

閱

壇視豆稍殊常

乾宇抒誠致炷香

近經大學士等議定儀注前一日詣  
皇穹宇上香行禮畢還齋宮闕

壇視豆即令原遣視牲大臣  
恭代步陟稍從樽節以專致精誠

齋室清心體元化寧

須葭瑄識初陽

西成九寓同稱稔六出連朝渥被繁深感

天恩惟默叩恐迎已意弗宣言

壬辰冬至

南郊禮成述事

齋宮夜漏頻頻問五鼓明衣即夙興應節修

裡率卿辟致誠祈

佑福黎蒸陽迴萬物欽資始昨歷千年祝誕膺田步成升

儀畧省

時用新定儀注降輿處較舊畧近而自升三成奠玉帛後即就諸祝位以次進俎三獻飲福受昨畢方還

二成位行禮中間有數次登降之節以便專心致誠永與躬親將事

志專昭事永親承

定邊將軍大學士溫福奏報攻克布朗郭宗賊酋

僧格桑竄入金川整兵追勦小金川全平詩以

誌事

有序



小金川逆酋僧格桑恃與金川逆酋索諾木狼狽  
為奸陸梁抗命索諾木潛為黨惡助兵代其拒守  
因命大學士溫福為將軍尚書公豐昇額副之統  
兵攻其西路而南路則以內大臣阿桂為副將軍  
督兵並進所在山徑險仄賊得逞其負隅之計西  
自資哩美美卡路頂宗至明郭宗南自達烏甲爾  
木翁古爾壘至僧格宗皆峭壁懸崖碉卡林立將  
軍等董飭官軍勵勇奮擊我領隊大臣侍衛並率

衆先登始以大礮摧其堅繼乃覓間入其阻每克  
一寨皆久經攻戰而後得其難如此及阿桂既克  
僧格宗乘勝直入徑擣美諾賊巢逆酋先期遁去  
會溫福亦攻克明郭宗至美諾兩軍相合溫福等  
仍督兵窮追徑取布朗郭宗逆酋復由僻徑竄入  
金川遂收底木達擒其父澤旺因而招徠汗牛撫  
降別思滿諸寨其大板昭亦傳檄而定小金川悉  
平時軍營奏至謂番境界在雪山之中茲植隆冬

乃晴暖無冰雪衆以為異此實賴

上蒼眷佑將士等得以利便集事第其經涉艱險破碉  
奪隘諸勞績則不可以無紀今大軍進勦金川所  
當掃蕩鼠穴繫縛二酋以告歲事而

天之助順人之用命尤予所切望而深勗者俟大勲成  
當倣平定西陲例凡戰地悉為繪圖張之武成殿  
壁圖系以詩此誌事之什特為先聲之倡耳

美諾賊巢失

先是阿桂於月初六日由南路督兵乘  
勝直搗美諾寨賊巢立破逆酋僧格桑先

於初五日見勢危急快妾潛竄伊  
妻所居之布朗郭宗為死守計

布朗

讀如

挈眷遷窮

追期即獲

溫福與豐昇額既由西路統兵與阿桂會於美  
諾初九日即由八角礮分兵追勦直抵布朗

郭宗四面截攻賊寨驚潰而僧格桑知勢不支先將妻  
妾潛送金川自赴底木達欲見伊父土司澤旺澤旺聞  
門力拒僧格桑竟殺伊父所遺傳語三人自由美卧滿  
小路翻山竄入金川溫福等因撫定各寨人戶擒澤旺  
解京一面尾追僧  
格桑勿令兔脫復遁本相連任爾狼狽顧那容駢喙

延小金之事嚴黨惡問金川

歲暮禘祭

太廟禮成述事

祫祭由來重四時躬親歲暮企追思升香

昭穆節頻度

祫祭香畢迭引至

九廟合饗自恭詣

中位上列宗位前上

香每思往返經過凡八度略涉瀆襲近交大學士等議派親王皇子八人分列隨詣上香庶昭敬簡且稍節步

踊之 繁 執事濟蹌邁近支

今特簡派近支宗室皆皇

祖孫曾元輩敬謹將事

一脈相承覺益切萬年有永祝如斯既愉

以戚惜廢徹義與宣尼可合之

除夕

仙木煥金門龍樓積雪存梅英護銀燭栢葉鬱粃盆一

歲中宵餞新年明日論裴回觀代謝不息慎調元

御製詩四集卷八

欽定四庫全書

御製詩四集卷九

古今體九十四首

癸巳一

癸巳元旦

璿璣運斗向寅杓喜爆迎神響徹宵紀歲元辰先兩日

初三日  
癸巳

立春初節待旬朝

十二日  
立春

幸因國泰人民庶益

切時和風雨調小大共球朝正朔綏猷建極敬惟劬

元旦試筆



啟旦初陽升曉曦

萱宮賀節式威儀仰瞻

康健膺

天佑俯恤趨蹌荷

聖慈

奉 向遇朝賀例於

永康左門外降輿步上上年恭

慈寧門階下降輿並著內

監就門旁設便座以資小憩 福始開元慶有永

壽增肇祚算無涯將因春暖皇畿近掖

輦從民願祝釐

永定河興舉大工於上年告竣大吏請於今春往省成事且以天津水鄉清淑

宜奉

安艦延眺俾慰望

幸輿情已降旨允行

貞元運轉玉衡參景祚維新萬物畢切已對時慎宵旰

勤民要務祝田蠶椒辰定氣以廿四

見唐書

正月為乾

之九三

見漢志

設曰玩辭在觀象誠因勵志敢虛談

### 再題邊文進歲朝圖

歲朝圖稱歲朝懸宣德貽今三百年松竹

天竺畫家借用竹

梅

蘭結好友

向有四友詩

栢芝茶柿悟同禪水仙似許看半面

如意惟徵獲十全

圖中所畫此十種

所欲奢哉消數筆淳于髡

語笑應然

詠白玉雲龍如意

和闐之玉長逾尺曲首琢作如意式何不為主或為璧  
薄古趨今人情適司教化源抑誰責弗言則已言則恧乾為  
玉象龍為德雲乃從之蔚光澤龍守其珠鬚奮戟緯蕭欲  
鍛具達識

命緩徵川省過兵各州縣錢糧詩以誌事

小金事歲討金川不發難容矢在弦彼有謀深寧可置

金川逆酋索諾木與小金川僧格桑狼狽為奸蠶食革  
布什咱鄂克什附近土司經官兵以次克復而軍營所獲  
降人且訊有逆酋商謀官兵回去再打木坪瓦寺直到  
維州橋不難之供今小金川雖悉平定而主謀未殄日  
後潛肆併吞是中朝費如許兵力轉以藉寇兵而濟  
盜糧邊境何由綏靖揆之理勢則併剿萬難中止也我  
當功倍未宜捐當官兵將破美諾賊巢時特授將軍副  
將軍叅贊大臣等乘小金川既定統勝  
兵直討金川分道並進令明檄索諾木陰譎罪狀大軍  
伐謀不滅不休先破其膽且以作六師之氣堅隨征眾  
土司之心事定熟籌善後規制雖云輓輸去聲都無累亦  
俾邊民共享一勞永逸之福

念勤勞覺可憐一歲正供均緩納為民計久愛民先

### 題董誥雪景

三白先春浩澤培便教寫景構清裁頓看密獻紫而繆  
猶灑松篁素且皚招客吟瓊過石約呼童掃玉淪茶杯  
畫誠似矣家聲繼德業猷為尚勗哉

新正重華宮侍

皇太后宴即事成近體

上正令節迓韶

田家五行以正月初三日為上正三節曰上者尊歲首曰三節者為夏建

寅正或又稱夏正三也

家宴重華繼頌椒六十開三子皇帝

八旬有二母東朝遍翻古史曾誰比實沐

天庥用是昭不許外人知小矣萬方同樂始宮寮

題李昭道仙島遊觀圖

瓊樓瑤島似仙山俠客又如遊市裏但使筆超塵世外

當呼境在閨蓬間敲碁酌酒都豪興榮騎浮船各適閒

不是松洲經鑒定

畫幅無款舊有謝松洲題籤為小李將軍真蹟此幀絹素設色雖舊以為

必昭道作亦難信也

將軍妙蹟向誰攀

命加賑甘肅省臯蘭等五州縣詩以誌事

九州昨歲普逢年甘肅民貧處

上聲

極邊亦有七分秋獲

稼祇餘五郡夏灾田

上年直省豐收多有數至十分者甘肅通省合計亦在七分以上惟

皋蘭等五州縣夏田被有偏灾特命於例賑之外再予加賑一月仍酌借籽糧以資春作

肯教赤子

向隅泣特降黃麻加賑傳弗以歌豐忘被歉惠心勿問

永拳拳

新正養心殿

餘寒漸避窓嫩暖欲上簾新正簡幾務內殿籌民碧志  
不紛為靜政就理引恬箇中求養心寧知歲月添陳揆  
值已盛持盈益鞏譙

用蘇軾韻題寫像黃庭遊戲卷

眉山健筆黃庭篇龍眠寫像貌二仙

見東坡識語

後來倪迂

欲繼前據床侍立兩妙妍似效墨者說白堅神傳三鬣

全其天

倪畫布景如是此圖即仿之

張羽題句言起緣是卷粉本因

嚴然蘇李倪張意並傳遊戲偶示衣裳騫求仙非慕滄  
海淵徐福一去那復還不如飽食而晏眠

新正悅心殿

昨日承



歡今問

安退猶餘暇小遊盤近惟瓊島無多路高俯液池有曠

觀闕閱萬家根本固

北居最高處俯覽萬家煙井景象  
豐盈其間甲第連雲多有開國勳

賢遺構基業  
安規模宏遠

京師首善俗風端一臨百慮塵心內祇

顧積靈畧所寬

靜憩軒口號

樸斲書軒倚碧嶂朋從思謝得相應往來方寸憧憧者

便憩於斯靜豈能

蟠青室

清可軒

在萬壽山

石壁乃真蟠青室

在瓊華島

石壁乃假彼真意

想幻如今此假目對誠然也因知真假曷有常拘墟固執非達者峭蒨中疊曲磴層攀登上仍書屋雅不出戶庭陟屺顏通塞慎密義經寫

酣古堂

山陰有書堂其顏曰酣古酣古義可思詎惟資詠府是地貽金源元明遞傳所歌斯舞於斯此日仍其否

叶林

尚昔年枝屋亦當時礎酣者無知物戒者莫忌汝

寫妙石室

石洞縈紆石室通箇間寫妙妙無窮拔箋欲詠還欲罷  
柱史盡之兩語中

抱素書屋

書屋山之陰樸斲非藻枕室實藏妾宛廊亦循曲折作  
既延步於焉稱去聲休歇開窓攬巖姿巖林葉未發漫誚畫

鮮韻却見山有骨適然稱

平聲

素抱宜向蘭臺說

抱素懷樸  
出漢書

古遺堂

堂址元明號古遺春陰瓊島久如斯文王之六蕩之八  
一再言焉鑒在茲

鄰山書屋

對山構書室依然山作鄰土山原是假歲久假即真况  
陰古樹喬魚峙怪石嶙櫚石叢奧間曲徑堪步循入屋  
開我窓倪黃畫宛陳一年能幾至構築嫌已煩雖然有  
會焉願託樂者仁

抱沖室

堪娛義府將經笥詎謂茅茨及土階  
早識民瘼深可畏  
敢忘延訪抱沖懷

坐冰床至畫舫齋題句

冰上拖床殊泛舫齋中憑凍又凝波  
兩般名實都無藉  
七字形容當若何  
因悟世間稱與謂  
那非幻裏揣而摩  
以斯義置歐陽氏  
初見還矜畧勝他

古柯庭

莫道發榮遲衆樹生機也自識迴春對來欲向古柯問  
閒過庭中幾許人

與曠室有會

與曠夫何似大似人之心方寸蘊胷中危微誰能尋而  
所色甚廣無間

去聲

幽及深縱橫大千界上下古與今與

曠有如是丈室奚足任一念苟弗正可畏天難謹守約  
亦非難虞書曰惟欽

題鏡清齋

齋憑水鏡非水鏡理會義經信不誣風伏澤承符氣感  
內虛外實得中孚玩辭觀象真宜耳對景吟詩其小乎  
我更惕心在議獄安能使訟此時無

畫峯室

隔溪羅奇峯蜃窓如畫展下垂瀑入聽上峙亭供眺欲  
問四大家似此可兼善而况藉裘潢憑人舒  
與卷

焙茶塢

竹塢新春偶一來乘閒便與試茶杯最欣萬箇綠瓊處  
根有深深白雪培

題楊大章花鳥偶效溫庭筠體

黃香磬口菊濛<sup>蠟</sup>梅穗穗珊瑚珠垂上下<sup>天</sup>埭邊瑤玉香

霧凝<sup>山</sup>渚商凌波秀而野<sup>水</sup>仙一雙錦雞語膠膠飛上湖石

爭艷冶金壺滴露淨娟娟不以形傳以神寫曰聲曰色  
活脫工相將流水回風中羅漢松惟示真諦幻化韶光  
了堪契



命緩徵陝西湖廣等省過兵各州縣錢糧詩以誌

事

一省偶興兵鄰省率波及因悟佳兵非其奈狂番習

番人

狡悍性成徒徇撫柔之名彼且狎而生玩故欲靖邊防而專任德化者既用自愚且滋貽笑古訓稱克詰戎兵

良非用緣不得已惟圖速寧輯始原聽蠻觸逆酋僧格桑以報私

怨為名圖吞鄂克什之地始因其同類相讐事所恒有惟命大吏往赴彈壓旋生反覆即當入告籌進討乃阿

爾泰惟事調停猶豫遂致養癰今即小金忠經平定而移師直勒金川克渠不難並結然始事已悔濡遲矣

終乃類姑息當大示懲創雄師齊衆力陝甘多勁旅滇

黔慣批拉湖南況接蜀近山善攀陟簡精各用長督以  
旗勇集小金已全定金川猶竄賊掃穴雖可必未能期

頃刻言念過師處允宜沛恩澤緩徵以次第

陝西寶雞等六十四

州縣廳甘肅隴西等五十三州縣廳貴州畢節等十七州  
七州縣廳雲南思安等八州縣廳貴州畢節等十七州  
縣各詳核該地方人戶出力等差酌定加間閭恩徧給  
恩緩徵分數及帶徵年限務令被澤適均

夙鄙問惠心祇覺抱慙德

### 題金廷標雪梅高士圖

抱膝鋪牋石室深紅梅白雪稱幽吟誰知高士暢懷際

擁帚蠶僮冷不禁

詠周編鐘

古銘緬姬室今韻叶黃鐘

編鐘各中一律是鐘律應黃鐘

萬事斯為本

十年此適逢金聲始琴瑟土色隱雲龍在簋非全器惜徒清玩供

伊犁將軍舒赫德奏伊犁客民願入屯田戶籍事

詩以誌慰

有序

保開克國軍丁僅足歸屯莊銷少陵民戶何由佔

籍地喜新疆式擴連營皆挈眷番休人忘故土堪  
懷比屋並望僑寄迺有莊姓四十八家之衆到  
從乾隆二十九載之前請依郭外以受廕固已市  
通哈薩祈指河灣而荷鋤何湏畔讓諸回從茲衙  
輒假官牛落業永資八口抑且糞田迴走馬起科  
弗俟三年彼邊氓不待夫招徠將荒服旋臻乎富  
庶羣情可見實事宜書

開墾久增烏魯齊

即烏魯木齊疾呼則為烏魯齊

屯耕今復逮伊犁

舒赫

德奏烏魯木齊等處俱已安設民戶種地今伊犁有客民莊世福等四十八戶以西河灣地廣水足無礙回戶屯工呈請撥令開墾即于本年墾料永為土著居民等語因議每戶給地三十畝願多者聽初墾官借牛種口糧分年還項以次酌定科則地肥水足多逢稔籍注科墾願可指羊

牧牛孳安月杓

平定伊犁後自哈薩克來歸之厄魯特皆入旗籍並自盛京移貧乏西焚察哈

爾諸旗移貧乏察哈爾於伊犁皆給以牛羊俾安遊牧今戶口日增孳生益盛而西安涼州之旗兵則移駐新築賜名之惠遠迪化諸城以資鎮守并令回人開墾用贍兵餉此新疆經理之大槩也馬牽帛易

息霜犂

每歲哈薩克以馬來易帛匹者不絕於路而禁織造粗疎者向亦有詩紀其事窮荒馬

用茲成用

反杜甫詩意

額手

天庥敬日躋

前平定準噶爾勒銘伊犂嘗深維屯種萬里之外恐非長策今屯地日廣至民間客

戶自籲入籍歸屯不待招徠資送此豈逆料所及然穹貺彌加即永旣彌切敢徒為特盈保泰之空言哉

詠六藝

禮

咨岳重華典早傳因心品秩莫斯先亨為嘉會動則合  
謙以制宜靜欲專修五事還如五器大三百更小三千  
設云玉帛而已矣脩己治人何有焉

樂

樂和禮序本同倫入耳詣心教更親似鳥飛空資兩翼  
如車行陸藉雙輪薰陶可化風兮俗雍睦常欣神與人  
夔也由來不世出音從鐘鼓論誰真

射

觀德曾聞莫此過左弓右矢要調和平心正體斯契道  
下飲揖升可叶歌貫札六鈞屬稱力穿楊百步似傳訛  
向以養由基百步外穿一葉之楊  
乃理所必無曾為穿楊說以闢之邇來臂病疎茲事憶  
舊惟應扼愧多

御

使

上聲

車古必有其方一藝居然執亦當寧數

上聲

周遊稱

造父所嘉詭遇鄙王良用敗多致獸驚逸以戰尤虞寇遠颺

古者

田獵

戰陣皆用車故五御之法有逐禽左而兵車亦以御為重今獵與戰皆用騎故射獸多獲而追寇易及較於車之迂緩不啻霄壤則御法雖失傳實不足惜也

傳失樂經常或惜御傳便失正

何妨

書

保氏當年教六書通更

平聲

以世降紛如因文見道恒資



此轉注象形艱返初波偃露垂徒關巧星離雲布益鄰  
虛公權兩字惟心正筆諫名言實起予

數

伏羲一畫肇開天制數無窮節象傳億兆京垓莫終極  
東西南北統方圓五經由此詮精要六藝因茲始備全  
設使窮通專諉命失之遠矣詎為賢

由液池東岸入淑清院得句

紫光藩宴例新正待備南臺入淑清  
七尺紅牆隔塵俗百

株蒼栢護蓬瀛灑然泉石堪延步  
薦爾古今一縵情勝國遺踪何處覓  
祇餘幾卷閱春明

素尚齋

石徑既砢砢林巖復吞吐假山似真山  
祇以閱歲古其巔有模齋誠為尚素所書  
史足徘徊興致自鼓舞却見綴檐燈吐哉  
安用許

千尺雪

臨泉亭子又新春  
輞水淪漣冰底循  
千尺原來出假藉

積成盈尺喜誠真

四圖展一却含三

寒山避暑山莊靜寄山莊與此淑清院四處各貯千尺雪圖每一處兼備

其四積年題詠相續

寶塔華嚴類合龕即目今朝生別會孰真孰

假箇中叅

雲繪樓

雲聚遠山暗雲開迴宇明易工惟是貌難得乃其情祇有虛樓好雅無定意迎必當如是繪方契說詩精

同豫軒

歲稔時和幸偶逢又  
塵穀賤逮傷農由言無易茲同豫  
受益惟謙滋勵恭

鑑古堂

芸香滿室紙窓明  
展帙怡然靜六情  
大抵人皆知鑑古  
善循惡戒在勤行

題寶月樓

兩層傑閣倚宮城  
初歲韶光俯帝京  
富矣教之聞聖語  
祁寒暑雨驗民情  
八窓間去聲貼宜春字  
三市猶喧爆竹

聲佳麗皇州歸朗照果然寶月副其名

長春書屋

書屋長春舊號曾每於佳處輒題稱况逢即景韶初推  
益切體乾元實應萬物樞機占氣煦百昌陶衍逮形徵  
吾民誰為去聲省憂者足食足衣愧未能

補桐書屋有感

舊植新栽換不窮樂羣昔日此春風偶來顧影惟憐獨  
擬自從今罷補桐

題涵元殿

趵臺貽勝國庭樹百年枝古殿臨中正新題易挾舊名

香辰殿乾隆辛酉易此額

瓦陰餘積雪簾額煦春曦物物涵元化欽

哉茂對時

豐澤園

學稼鄰學圃一園二者兼重茲欽

祖訓顯若為民占昨歲幸邀

眷綏邦額屢覘雖然寧易致惟是敬勤添

澄懷堂

園內此堂古澄懷

聖藻垂圖書供有懌樂利緬

無為豈必芳華玩端知靜謐宜未臻斯境者且合勵攷攷

紫光閣曲宴外藩即席得句

崑西漠北共朝趨三接聯情惠有字筵列雕盤裝粧妝

茵連華服逮鐻鋤

都爾伯特台吉等向以未出痘祇遣人領正今亦有出痘可入關者茲親

王策凌烏巴什之子公爵索諾木雍  
忠即以此出痘親來賀正因令入座

辰良日吉荅韶令

長治久安懷永圖燕語家人寧藉譯

向接外藩王公等  
皆用蒙古語蓋素

所熟諳近則回語並已通習即新  
疆伯克等亦不藉古人傳譯矣

却非吁咈與都俞

### 題葉肖巖西湖十景

蘇隄春曉

西湖景自宋時傳第一隄稱玉局仙似恨先茲白少傅  
綠楊祇剩步沙篇

柳浪聞鶯



金華集卷九  
鷺聲巧勝管聲巧柳浪清如湖浪清尺幅饒他即真者  
栗留今古解長鳴

花港觀魚

祇園西畔藻池清翠色文鱗縱復橫設曰觀魚即觀水  
未能忘者是民情

麴院荷風

脩內司供泛索時名稱麴院至今遺水華自昔方君子  
不礙陶家廿首詩

兩峯插雲

兩峯南北十餘里雲表都看矗翠尖便是仙家縮地法  
墨禪游戲正何嫌

雷峯夕照

宰堵峯頭夕照披蹟傳南宋舊名垂底知曾未經兵燹  
層構依然無恙時

三潭印月

一潭誰與強名三三塔中間一月涵此日樓臺多較昔

率因即景率生慙

平湖秋月

故知月到秋來好秋月平湖曾未憑却是畫圖披靚面  
蓄情向日此翻勝

南屏晚鐘

誰能悟徹七條披疊翠南屏萬古斯漫道發鯨聞不到洪  
鐘亦有寂然時

斷橋殘雪

寶祐貽今歲月賒斷橋仍見雪飛花便教一再新增景

今脩西湖志者  
復增十八景

鼻祖終輸十大家

雪

正月初八日

問夜報三更璇霄霏瑞雲未春猶是臘

是月十二日始立春

小望大愉情起舞

鶴鷺勢潛滋土穀精

八日為穀是日納音屬土

自欣還自勵敢易素心誠

詠和闐玉雲龍小盃

瑞產和闐玉水漬貢來白質赤為文因教巧匠琢成  
器宛見飛龍從以雲具體之而忽隱現非烟容裔更氤

氺九三設若喻文象

是器琢三龍於上

夕惕朝乾正我殷

題宋高宗書孝經馬和之繪圖冊

教孝經成書與圖中原恢復志曾無如云風嚮四方動  
抑是頌乎抑刺乎

是冊舊稱馬和之繪圖已入石渠寶笈上等今以幾暇重觀  
冊後諸人所識皆以為高宗書詔畫院設像立儀且冊中都  
無馬和之名則成書時屬之和之者乃失於考證也既已成  
書因書冊中以識決疑求是之意至於諸人譽嘉陵以孝治

天下中興之主達於中國四方嚮風云云未免言過其實夫高  
宗被金源所逐僅保江南又不能復中原迎二帝對  
斯數語能無汗顏乎並識之以存公論

齋宮對雪

夜雪欣聞為

去聲

夙興密飄徐灑午猶仍正當齋日慰顯

念況值穀辰慶美徵飛處鳳樓渾欲隱積餘難樹已知

增算來三白真如數

昨歲益冬仲冬及此凡三霑澤

天眷欽承意倍兢

讀杜甫北征詩因題

予於甫也詩無間獨疑焉是北征元禮乘危謂忠義  
昌黎誌柳豈虛評

昌黎作柳宗元墓誌銘言友道甚厚而惡夫臨利害  
反眼不相識落陷穽反擠之又下石焉者夫友尚不  
可而況其君父乎若元禮之事是即昌黎所惡者而  
謂之忠義可乎使元禮果忠義耶當效朱雲之請劍  
或如辛慶忌之免冠於祿山未反之前請誅大真是

誠所謂忠義矣長安既陷天子蒙塵乃乘其危而逼太真以死試思其時肅宗繼位靈武即國已活雖太真不死豈能復為害於唐之宗社乎且唐之宗社所以危在元宗承平時不動國政而寵太真彼時不請誅之以致流離播遷則已遲矣元禮固逆臣不足論獨惜甫一生始終託忠義於詩而有此論未免以辭害意亦責賢者備之義耳

痕都斯坦玉小辨瓢



玉瓢一握如瓜瓣有蒂有葉還有花和闐出玉不解琢

和闐雖有玉工而不能精琢精琢者皆出痕都斯坦彼處亦出玉蓋愈西愈近崑崙矣琢自痕都

萬里遐崑崙之岡產美質喀嗎水磨攻錯加製為飲器

可攜帶清泉舉酌勝烹茶異域都大尚武備以獵以戰

隨操拏是蓋彼中貴者用非衆乃似安期爪弗微弗索

聽貿易近利市至三倍奢徒置槩几佐文玩殊方聲教

奚事誇却笑設贈許顏輩棄而弗顧當興嗟

偶為春喜圖輒題以句

春信梅傳鵲喜占晴枝報喜藉毫牀喜神元旦西南值  
送喜金川願早詹

詣齋宮作

玉輦陳儀金水橋午門鐘動御街迢詣

壇致敬先庚日稽典惟遵值歲朝

今歲  
辛日依會典若元旦

逢齋則以  
次辛行禮

重樓都積玉層層瑞色祥煙昆鬱蒸

祈穀齋逢穀日雪何修斯遇凜欽承

翠殿崔巍護紫垣瓣香瞻拜進西門

向詣齋宮日皆於祈年殿埽城

門外降輦步入恭詣

皇乾殿上香瞻拜今

近緣步

議定儀注由西門步入行禮畧節行陟之勞

履微從省久擬躬行永弗緩

### 次享

祈穀禮成述事

祇畧梭街減步趨

舊儀於埽城門外西階設梭薦處降輦今由埽城西南角降輦易禮轎至

祈年門西階步入視舊儀行陟微省

祈年式禮未微渝

去歲冬至園丘大祀改定儀注於升階奠玉帛後即還就讀祝

位立以次進俎三獻及飲福受胙禮成始還至二成拜  
位行禮稍省登降茲祈穀以在祈年殿中一

如舊

春前雖次還如上

立春在  
十二日

月合同干恰不殊

正月  
月合

在手

咤盼薌牛燭沙海鏗鏘儀鳳叶笙等金川耆定昔逢

已

前平金川  
歲在己巳

額

春提聞今已符

題和闐玉桃鶴如意恭奉

聖母以介新正佳祉

和闐玉府來包貢脂質量長尺有加琢作曲瓊宜把握

號稱如意召麻嘉鶴齡闌苑雙翎羽桃實瑤池幾度花  
介祉新正奉

王母重儻底用說昭華

癸巳春帖子

萬物逢華始三陽肇節初東郊京兆迓積雪尚盈餘

昨奉青壇祀今迎青帝臨

立春日在  
祈穀次辰

神哉一氣罔總

總復林林

寅月恰逢日在寅蠡生引遠慶駢臻順時行惠祛虛語

實政惟期被萬民

題趙宦光等跋沈士充數十四名家畫卷

營邱真蹟石渠藏

石渠寶笈藏有李成寒林圖幅真蹟

縮本臨來翰墨香

此虎有聲還泛籟  
槎枒無色為經霜  
詩情樹杪神含淡  
秋意吳中日滿涼  
幾度南巡率春日  
寒山林究屬宦光

右做李成寒林趙宦光跋

春山幾度吳中省  
秋山每於塞外領  
春於南而秋於北  
化工位置機權秉  
南豈無秋北詎弗  
春宜時即景各得

其神是幅慘淡學公望崇山峻嶺都入狀不能同處乃  
能同在簡以該氣以王疎林之下茅屋可探問予契意  
曰北匪南

右做黃公望秋山鄒近光跋

忠恕曾傳沒骨山稜稜却自矗屢顏陸璚謂撫僧繇法  
考訂應知得實艱

右做郭忠恕沒骨山陸璚跋

一亭枕江臯對岸堯峰翠峰傍却空濶極目馳天際懶

瓚勝人處是幅得其意

右做倪瓚樹石陸應陽跋

春山如佳人秀澀而含冶妙處難形容北苑其工者欲吐猶未吐淑氣峰頭惹旋鳴旋弗鳴泉聲澗脚瀉溪亭喬樹下對坐客閒雅疑是裴與王從遊深趣寫董蹟子居摹契要無少假獨缺名流題斯復因何也

卷內每畫各有名人

題跋惟此段獨缺殊不可曉然究為全璧之類因題數語補之

右做董源春山缺跋者因題空處



人多云北苑工畫江南山獨米元章謂其峯巒皆得  
天真枝幹咸有生意推許極至近得其龍宿郊民圖  
高格信莫與京子居摹此亦曾問津於彼否耶

杜家詩意李家法沈氏兼為陸氏拈雲間錦色壁特立  
松奏簧聲水沉潛此情此景不可說炷香宜向叅華嚴  
右倣李公麟松石陸萬言跋

霜落萬峯蒼朮飛一谷涼煙容聚還散林色綠兼黃旅  
客愁雲棧幽人傲草堂眼前勞逸境所託自商量

右做王蒙煙巒霜樹李日華跋

宿雨初收曉煙欲泮小米遊戲石渠清玩士克做為畫

其神變董家真本

米友仁有雲山遊戲卷董其昌跋謂其元氣淋漓布境特妙今續入石渠

寶笈  
上等

宜伊經見墨氣淋漓山容汗漫撫之手濕遲之景

換奪目移情孰能為贊

右做米友仁雲山章公鼎跋

架空棧道縈紆問路行人迤邐試思孰非此哉太白言

之盡矣

右做郭熙關山行旅文震益跋

展卷古香撲鼻了知手筆不凡精神全是天水秋色祇  
在雲巖紅葉綠葉錯出遠靄近靄相銜弗著遊人策杖  
恐妨濕却衣衫

右做趙孟頫青山紅樹李應徵跋

夏山本如滴欲雨滴猶含漸吐高低靄難分朝暮嵐日  
靄宇迴暗風奏谷空吟遊客尋歸路高僧閉靜菴畫惟  
巨然契詩是許渾諳合撰得神處詎寧氣韻堪

右做巨然夏山欲雨宋懋晉跋

東風融融萬彙受先得者誰桃與柳試云誰又屬先知  
請看水村溪畔有彼白屋下寧無人俯仰天地韶光新  
或命中車或棹舟向榮與物同欣欣分明一段江南意却  
憶其間度巡轡偶然因沈以見趙何云不離京洛地士充  
臨趙此幀宛然江南風物何當時機大年不出京洛間景耶

右做趙令穰水村趙左跋

四柯古木撐寒枝半存半落葉叅差一川寒水帶岸側

遠山那畔如脩眉不教飛鴉亂繞樹為嫌聒噪非所宜  
春風秋月亦無意秦顛漢躓付不知設向古人尋姓氏  
東用夏綺夫何疑

右倣許道寧小寒林陳繼儒跋

佳作萃一卷卧遊資公堂由來喬明府

董其昌跋謂士  
先為喬穀侯明

府作考松江府志喬拱壁字穀侯上海人明萬厯間進  
士授浙江海鹽令縣土田匿不可稽為履畝勾考得實  
所隸廣儲常積二倉往時雜支本折侵耗百出請按季  
分支銀米予左券驗給詭冒並絕則喬拱壁在官尚有  
實政不專以顯亦效龔黃  
此理為事者

右微范寬雪景董其昌跋

立春日重華宮茶宴廷臣及內廷翰林用重刻淳  
化閣法帖頒賜羣臣事聯句卽席復得詩二首  
月寅邂逅遇寅辰更值東郊迎始春相與賡歌酬節令  
莫忘吁咈勗臣鄰便持素椀啜八餅可當雕盤薦五辛  
昨歲有秋頻沐雪惟殷戒滿檢心身

初成響搢惠儒林此事真宜聯席吟顧我臨池無所似  
喜其據古尚堪尋三希伯仲開生面九體準繩在正心

詎獨誠懸明是道竹哉當孰獻良箴

重刻淳化閣帖頒賜羣臣聯句

有序

游藝託宣毫分陰惜萬幾之暇微吟拈響搨尺素  
尋八法之原遡寶翰於雙鉤名蹟三希早鏤貽貞  
砥於什襲彙藏墨妙兼珍顧推閣帖所旁羅繫自  
宋時為大備緒畢家之初印本來面目猶存摘王  
氏之類編是處瑕瑜不掩爰簡儒林而覈訂更勤  
清覽以評量懋僭名益謹尊王先斥主臣失次攷

國乘還叅族譜并釐人代乖方伊蕭梁劉宋之多  
譌詎堪論世矧琅琊太原之莫哲何謂知賢或單  
行或並行釋文例顯為總識為分識證誤條詳雖  
脫簡亦倣經箋即闕名仍沿史斷視堯章之折衷絳帖將毋  
掃摺西崑嗤方慶之刻畫通天不啻衣冠優孟乃喜新矧  
之既發惟期舊拓之常完於焉趾就東園軒開北上環轉  
廊腰六六非規碑洞於秦關罪區石額三三恍展陣圖  
於逸少記核趙宗之寶車鑒難淆題因淳化之稱勝



顏偶寓裴潢成弓冊藏之名山者孰與傳之其人  
賚子溥臣鄰文以紀事者尤宜聲以足志豐王賡  
歌逢已盛巡周而錦已成襄駢珠屬句協寅生數  
具則垣皆應宿春迎

祈穀後紅浮貼勝紋唐花風驗試燈前碧入教茵滋鄭  
草至如王侍中帝書臣書之善對頗嫌語涉俳諧  
曷若柳諫議心正筆正之良箴深許意抒忠愛彼  
結體簪花縱避奚須罰墨汁一升茲牘篇和鉢誠

工庶合消茶香七椀云爾

御製

古今法帖多難數萃古近今淳化真初搨士安本尤

善

內藏蘇頌鑒曾珍

帖本初藏蘇頌家後有跋識

昇元漫芒探宿秘

閣寧希派導岷易水煙磨覘色澹

臣劉統勲

澄心紙擘

備材甄竒搜懷瓘區三估拜勝蘭亭序列賓至矣

成編存拱壁

臣劉綸

陋哉翻刻詡傳薪墨林數典茲

為冠

寶笈函輝信有神夾雪光生猶湧現臣官保雙鉤格老詎

緇磷從頭叙識經承澤觸手標題綴孟津此帖孫承澤曾

歲王鐸名壓上中下諸品臣于敏中

御年貽七百八餘旬按畢士安自記帖賜於宋淳化四年癸巳越今乾隆癸巳計七百八

十一年因文見道心斯企溯委窮源論欲純排類儒林付

博學

持衡冊府藉

周詢事徵伯厚許能核識舛知微繆始因考證卑之且

無甚庸

臣託

參差擬不合於倫摹形鄙彼冠同益物

色嗤渠尺量數川滌先河邀

睿賞

臣程景伊

版開生面荷

榮綸爰依紀載臚時代

特揭經常定主臣十卷分籤雖舊貫

帖分十卷雖仍王著之舊而前後多

所更定  
由素爾訥

百家備蹟恰同畛

所刻諸家名蹟  
凡九十九人

競知

青出藍誇最肯使珠清目共湮執厥中誠超汝絳

臣王

際華

柳揣其本乃斥黃秦

黃伯思秦觀雖有專書糾謬未為醇備

尊王不異春

秋旨論世宛看甲乙陳例視杜詩堪號史

義嚴柳筆凜書紳魯司寇爵尊從節

孔子不書官爵以示尊師

唐二宗編辨息齋

王著所編唐太宗高宗書多有消舛

馬識同曹存

魏籍

舊稱司馬懿為晉文宣王今改標魏官 王福隆安

蚪文首禹釋齊春

列大禹書為歷代帝王之冠春云云則依古篆體釋之也

田疇耕耨斯宜闢

舊以田疇耕耨云云為李斯書考之寶唐李陽冰所書河東裴公紀德碣

斧芾戈矛頤

共循

倉頡書戈矛斧芾等字亦依古篆校釋

序仿沙門從集腋

漢章帝不

應書周興嗣十文或亦如懷  
仁之集聖教序

在蔡新

表刪戎路杜搖唇

別本

有鍾繇戎路表一帖筆  
法不類詞義亦不足取

太原為別新亭客

王坦之  
系出太

原舊誤與義  
之諸子同列

大草難蒙署牒人

張芝不應有狂草  
今辨為張旭書

辨體魚移列女序

列女如蔡琰衛鏢皆移  
各朝之末

良襄曰修  
闕疑姑

任逸名泯

舊或作古法帖或作何氏書并有  
誤列獻之帖者今悉改為無名氏

衣冠紀

望沿程邈

舊於諸人爵里不備書且有訛  
舛者今自程邈以下悉為增改

衣鉞微

言証起莘

王敦桓溫身為戎首則退列晉臣之殿劉  
穆之生懷貳心死受新爵則列其原官以

媿之王曇首沈約一人而事兩朝  
則從其所終之代並依綱目體例  
冊副經簾昭萬

世臣觀保

御製筆咨匠石挽千鈞鳩工已丑仲春始藏役士辰摘月  
新曲折順欣神畢肖

瘦肥却妙腕俱馴調朱施墨鈎摹巧數畫尋行琢

削頻程技入教旁殿集臣倪承寬督勤順俾侍臣親

命選御書處刻工於懋勤殿直廬比  
對原木錫石並命內廷翰林就近校閱丁

丁聲應銅壺漏一一光駢碧水瀦垂近

螭頭喧日午臣金搨傳蟬翼曳秋旻內府帖多用鳥

姓

金搨獨此仿蟬翼

搨碑存  
古意

硬黃甫試良藤滑飛白旋如逸翰振篇述

布行阡陌

臣慶  
桂

指施旁注介魚僕比公彥疏三

千禮異鄭元分七月幽八體端倪識根抵

臣周  
煌

御製

六書派別析瀆洵

過為洵汝為瀆皆水溢出  
別為小水之名見爾雅注

開宗諭

意大端舉逐冊識言精鑒申要欲訂訛歸以正

詎同干祿誨之諄

鴻文典啟三蒼括

龍管香浮羣玉彬



誌事由今詞煥爛

御製重摹淳化閣帖成誌事詩有由今視昔徒佳話句臣奉寬

弁題蘊古色瑀璘

冊首寓名蘊古四字 御題 芭圖先後

丹毫灑

第一卷前後皆有御書餘九卷惟在冊後

薤篆方圓

紫璽填

每卷前後皆押以乾隆鑑賞淳化軒圖書珍秘寶

禁直蕪詞容附綴

簡末附列內直諸臣政語臣薩載

林棲健筆快同

伸

辛卯冬致仕尚書錢陳羣以慶祝慈壽來京亦命跋識於後 訂知白石

平非妥

姜夔有絳帖平卷後釋文訂異魚珠用之 注覺紅蓮譯未醇

莊刻戲魚堂帖凡草字不可讀者以小楷譯之為釋文所自昉然其譯字亦未能精審 符口

無虞披獵碣

臣莊在與

迎眸那復混燕瑤山蹊谿比荆

榛剪車軌平如道路遵寶晉大觀難與匹

臣謝靖

御製三希墨妙合為鄰

三希堂帖嵌於閱古樓墨妙軒帖嵌於萬壽山惠山園中皆內府所

刻帖也

軒營文梓敦惟樸廊貯貞珉數恰勻

帖既錫竟適長春園中新

構文軒落成左右廊各十二楹分嵌六石因以淳化名軒

名寓實非慕宋帝

軒雖因帖得名

實寓化淳之意若宋太宗懋德願多具紀年固無足取也

風從欲共驗堯民度留元印仍環

座

新刻淳化閣帖墨榻與畢士安原本並裝潢同奔軒中

砌疊新砌恍映振煜燦

乍窺星隱壁

臣汪廷璣

駢闐恰訝石圍困六爻排比占

興象兩廈縱橫次瓦鱗底事楹雕魚柱繡

臣毛輝祖

全

看畫鐵並鈎銀紛紜傳刻徒規鵲想像臨池正試

貌顆顆宛擎珠琲絡

臣汪永錫

行行却笑鉸櫳紐雲霞

凝處紫蒸蔚瓊玖鐫來護炳麟愛可長存堅壽石

臣胡

高望

御製多應益善美增筠

帖成共攝四百部以廣流傳

寧惟兩府蒙榮獨

宋帖初搨惟兩府以上始得與賜今自皇子皇孫親王以下文職二品以上及內廷翰林外省督撫行聖公並

為頌賜其加賜  
者又三十八人  
索與羣臣嘉會均更畀流傳逮名勝

直隸

山東江浙行宮及名勝之地俱令貯一部又在京翰詹國子監教習庶常館并各省書院亦俱分賜

廣教模楷效妍蟬盤堆卷冊雙單判絨

賜官寮中外臻秩品遍掄卿貳上

臣董誥

連疆率準海瀛

濱

離宮並貯光常葆福地分藏氣不淪槐市中箱充列舍

臣李汪度

玉堂藻采徹重闈纔窺龍爪斯稱幸矧襲驪

珠足傲貧歲月識惟長日至

臣王懿修

子孫保用永年

巡

恩符癸巳添佳話賡繼耕蠶洽令辰

上年新正以耕織圖聯句

嘉遇開韶榮疊遇

是日立春丙子丁亥皆以立春日聯句

御體仁撫序營教仁拈毫舉目欣積雪聯席同心勵風

寅法上得中志雖疊

見記中

化民心亦在還淳

御製詩四集卷九